



Wuubd be ne na-kãsen-kayã sãn yaa Bugum, yõk-y koomã ti ta

Yii a ‘Abduullaah [bn ‘Amr nengẽ (Wënd yard be b yiibã yĩnga) t'a yeelame: Tõnd lebgame, tõnd la Wënd Tẽn-tuumã, (Wënd puusg la A tilgr be a yĩnga), n yi Mak n tugd Madiina, halı ti tõnd wa be koom zĩigẽ sãn be sorã zugu, ti neb yãg Laansarã wakato, n yõge ti bãmb yaa sãn yãgde, ti tõnd kẽng b nengẽ, ti b na-kãsen-kãya yaa sãn tonde, ti koomã ka ta beenẽ ye, ti Wënd Tẽn-tuum yeele: (Wënd puusg la A tilgr be a yĩnga) «Wuubd be ne na-kãsen-kayã sãn yaa Bugum, yõk-y koomã ti ta».

[Naşun Şahuhun (Gom-sikdem sãn manege)] [B zemsa taab a zugu (A Al-Buħariy la a Muslim n reeg-a)]

Nabiyaamã (Wënd puusg la A tilgr be a yĩnga) toga sore, n yi Mak n rabd Madiina t'a Şahaabsã be ne-a, la sorã zugu b yãa koom, ti Şahaabsã yãg n yõk koom n na n puus Laansarã, halı ti b na-kãsen-kãya f sã n getẽ f nee wadã koomã sãn ka ta, ti Nabiyaamã yeele (Wënd puusg la A tilgr be a yĩnga): nang la halkr be ne neb nins sãn maand koεεga n ka pegsd b na-kãsen-kãya koomã yõgb sasa, la a sagl-ba ti b maan ti ta koomã yõgb pidsg pugẽ.

<https://sunnah.global/hadeeth/mos/show/66392>

